



ჩემი გიმნაზია



**სტეფანწმინდისა და ხევის ეპარქიის და წმ. ილია მართლის სახელობის გიმნაზიის
ყოველთვიური გაზეთი №1 იანვარი 2015 წ.**

**გაზეთი გაშვებულია გიმნაზიის ღირებულების სტაბილიზაციისა და ხევის
მთავარეპისკოპოს იმეზღიშელის ღირსპა-პურთხებით.**

ქრისტეს შობა



ხარების დროს მთავარანგელოზმა აუწყა მარიამს, რომ შენი ნათესავი ელისაბედი უშვილო იყო, მაგრამ ექვსი თვეა, რაც უკვე შეილი ჩაესახაო. ამიტომ მაიამი, ხარებობის შემდეგ, ელისაბედის სანახავედ წავიდა და იქ სამი თვე ღარჩა. შემდეგ ისევ ნაზარეთში დაბრუნდა და იოსებთან ცხოვრობდა.

როცა ქრისტეს შობის დრო მოახლოვდა, მაშინ რომის კეისარმა ოკტავიო, რომელსაც მაშინ ებრაელები ემორჩილებოდნენ, ბრძანება გამოცხადდა, რომ ყველა მისი ქვეშევრდომი წასულიყო იმ ადგილას, სადაც შთამომავ-

ლობით იყვნენ და იქ ჩაწერილიყვნენ სიაში.

იოსები და მარიამი ამ მიზნის გასაღწევად ბეთლემის ქალაქში. როცა იქ მივიდნენ, სადგომი ვერ იშოვნეს, რადგანაც ბევრი ხალხი შეკრებილიყო. ამიტომ ისინი ქალაქგარეთ გავიდნენ და ერთ გამოქვაბულ კლდეში დაბინავდნენ, რომელიც მწყემსებს ეკუთვნოდათ. მწყემსები იმ დამეს მინდვრად იყვნენ, რადგანაც კარგი ამინდი იყო. იმ გამოქვაბულში დაიბადა იმ დამეს მაცხოვარი ჩვენი იესო ქრისტე. ღვთისმშობელმა გაახვია იგი და ბაგაში მიაწვინა, რადგანაც სხვა ადგილი არ ჰქონდა.

როცა იესო ქრისტე დაიბადა, ზეციდან მწყემსებს ანგელოზების გალობა მოესმათ და შემინდნენ. მაგრამ მათ ერთი ანგელოზი გამოუცხადათ და ახარა მაცხოვრის დაბადება. ისინი მაშინვე წავიდნენ გამოქვაბულში, ნახეს ქრისტე ბაგაში მწოლარე და თაყვანი სცეს.

„მე უკვე ნათელს-გცემ თქვენ წყლითა სინანულად, ხოლო რომელი შემდგომად ჩემსა მოვალს, უძლიერეს ჩემსა არს, რომლისა ვერ შემძლებელ არს კამლთა მისთა ტვრთვად, მან ნათელს-გცეს თქვენ სულითა წმიდითა და ცეცხლითა“. წმინდა იოანე ოქროპირის თქმით, ეს იყო ხალხის მესიასთან შესახვედრად მომზადების საუკეთესო ფორმა. იოანემ აღასრულა ესაიას წინასწარმეტყველება — განმზადნა გზანი უფლისანი.

ხალხმა გაიგო, რომ შემდგომად იოანესა მესია მოვალს და ყველა ელოდებოდა მხსნელის გამოჩენას. მაშინ მოვიდა იესო გალილეათი იორდანელ იოანესა ნათლის-ღებად მისგან“. იოანე, რომელიც ყველას სინანულისაკენ მოუწოდებდა, შეკრთა. ღვთის განგებით, მან იცნო მესია და აღარ იცოდა, რა ეთქვა მისთვის. „მე მივს შენ მიერ ნათლის-ღებაი და შენ ჩემდა მოხუალა?“ — შიშით ჰკითხა მასთან მისულ ღმერთ-კაცს შემდრუნებულმა იოანემ. „აჲდა აჲ, რამეთუ ესრეთ შეუენის ჩუენდა აღსრულებად ყოელი სიმაართლე“, — ბრძანა მაცხოვარმა. წმინდა იოანე ოქროპირი ამ ადგილის განმარტებისას ამბობს, რომ სიმაართლის აღსრულება არის მცნებების დაცვა, და რაკი გაცობრიობამ მცნებები ვერ შეასრულა, თვით უფალი მოვიდა „აღსრულებად ყოელი სიმაართლისა“. ქრისტემ „იორდანეს შინა ნათლისღებაი თავს იდგა ჩუენისა ცხოვრებისათვის“.

ნათლისღება განცხადებადაც იწოდება, რადგანაც ამ დღეს საქვეყნოდ გამოჩნდა ქრისტეს ღვთაებრიობა და განცხადდა წმინდა სამება. წყლიდან ამოსულ ქრისტეს ზემოდან მამის ხმა ეწამებოდა და საყვარელ ძელ სახელდებდა მას. მამის ხმას სული წმიდა დაამტკიცებდა, რომელიც მტრების სახით აღგა თავს იესოს.

**27 იანვარი — ღვინდა დედა ჩვენი
ნინო, მოციქულთასწორი, ქართველა
ბანანათლბეული**

**19 იანვარი — ნათლისღება უფლისა და
მაცხოვრის ჩვენი იესო ქრისტესი —
ღვთის განცხადება**



ყოველი წლის 19 იანვარს წმინდა ეკლესია ზეიმობს ნათლისღებას — წმინდა იოანე ნათლისმცემლის მიერ ქრისტეს მონათვლას.

იოანე ნათლისმცემელმა ხალხს სინანულის ნათლისღებისკენ მოუწოდა. „შეინანეთ, რამეთუ მოახლოვდეს არს სასუფეველი ცათა“, — ქადაგებდა იგი.

მასთან მისული ხალხი აღიარებდა ცოდვებს და წყლით იშმინდებოდა. მაგრამ ამ ნათლობას არ ჰქონდა ცოდვათა მიტევების ძალა, ის თავისი მადლითა და შინაარსით იუდეურ და ქრისტიანულ ნათლობებს შორის იდგა.

ხალხში იმდენად დიდი იყო წმინდა იოანეს ავტორიტეტი, რომ ბევრი მას მესიად თვლიდა, იოანე კი ყველას ეუბნებოდა, რომ ის არ იყო მესია:



კაბადოკიელი ქალწული წმიდა ნინო დიდმოწამე გიორგის ახლო ნათესავად ეკუთვნოდა. იგი სახელგანთქმული პატიოსანი მშობლების, რომის მხედართმთავრის ზაბულონის და იერუსალიმის პატრიარქის, იუბენადის დის, სოსანას ერთადერთი ასული იყო.

როდესაც ნინოს თორმეტი წელი შეუსრულდა, მშობლებმა ყველაფერი გაყიდეს და იერუსალიმში გადასახლდნენ. წმიდა ქალაქში მისვლის შემდეგ ნინოს მამამ, ზაბულონმა ბერად აღკვეცა გადაწყვიტა, ხოლო დედა პატრიარქმა იუბენალმა დიაკონისად აკურთხა, ნინო კი აღსაზრდელად მოხუც ქალს, სარა ნიაფორს მიაბარეს. აღმზრდელი ქრისტიანულად ზრდიდა ნინოს, უამბობდა მაცხოვრის მიწიერი ცხოვრებისა და წამების ამბავს, სარასაგან გაიგო ნინომ ისიც, თუ როგორ მოხვდა ქრისტეს კვართი საქართველოში.

გთხოვთ, გაუფრთხილდეთ გაზეთს გასული დაბეჭდილი ტექსტის და ფოტოგასაღის გამო.

აგვავებოლეთ სამყოსო

(მოკრძალებულ მიძღვნად უწმინდესსა და უნეტარესს, საქართველოს კათოლიკოს-პატრიარქს ილია II-ს)



როგორ გავბედო, როგორ გაკადროთ თქვენი სმენისმიპერობა მე, უღირსმა და ცოდვილმა.

ვმადლობთ უფალს თქვენი მოვლენისათვის ამ საწუთროში და შევსთხოვთ თქვენს ხანგრძლივ სიცოცხლეს ჯანმრთელობით, რამეთუ თქვენი ღვაწლით შეძლებს საქართველო გადარჩენას.

მყინვარზე შუქი ნათლის უფლის ტახტივით მოჩანს, და დღევანდელი ხევი გისმენთ ხევისბერ გოჩას...

სულის მალამოს იღებს, წარმოთქმულს თქვენი ბაგით და მსუბუქდება გულში ცოდვების მძიმე ბარგი...

ღვთიურ ღიმილით ქარგავ ყველა მოხვეის კერას, დღეს ყველა ქართველს თქვენი ღოცვა-კურთხევის სჯერა!

ვიცით მოვეება სიბრძნე სიტყვას ბაგეზე მომდგარს, მუხლს გიყვით თქვენი ხევი, ერის საყვარელ მოძღვარს!

დიდხანს ცოცხლობდეს შუბლი, სახე, ნაკევი ნათლით, ნუ მოგვეკლებოდეს თქვენი ღოცვა-კურთხევის მადლი!

გაგიმთლიანდეთ ერი და გაეტანოს ღვთის, აგვავებოდეთ სამყოსო, — ეს ჩვენი საქართველო.

**ციცინო ღუღუშაური
გიმნაზია-პანსიონის პედაგოგი**

წმ. ილია მართლის სახელობის გიმნაზია-პანსიონი, რაიონის მოსახლეობა დაბადების დღეს ულოცავს უწმინდესსა და უნეტარესს საქართველოს კათოლიკოს პატრიარქს ილია მეორეს. უსურვებს ჯანმრთელობას და დიდხანს სიცოცხლეს.

წმიდა ექვთიმე ღვთისკაცი, ცათამოკავაზი ივერიის მთაწმინდის მთავარი.

2002 წლის 17 ოქტომბერს საქართველოს მართლმადიდებელი ეკლესიის წმინდა სინოდმა წმიდანად შერაცხა ცნობილი ქართველი საზოგადო მოღვაწე და მეცნიერი ექვთიმე თაყაიშვილი და მას სახელად წმიდა ექვთიმე ღვთისკაცი უწოდა. განუზომელია ამ ადამიანის ღვაწლი ქართველი ერისა და ღვთის წინაშე. მის სახელს უკავშირდება არა მარტო თავდადებული სამეცნიერო და საზოგადოებრივი მოღვაწეობა, არამედ საქართველოს მართლმადიდებელი ეკლესიის სიწმინდეების, ჩვენი საგანძურის გადარჩენა.

„სულ იმას ვშიშობდი ყოველ ნაბიჯზე, აი, ეს არ დაიკარგოს, აი, ეს არ წახდეს მეთქი“.



ახალი წლის მილოცვები:

წმინდა ილია მართლის სახელობის გიმნაზიის თანამშრომლები მადლობას უხდით ტელეწამყვან ნანუკა შორგოლიანს, რომელმაც ხევის მკვიდრს ვანო წიკლაურს აღმოუჩინა დროული დახმარება და M2-ის უშუალო ჩარევით საცხოვრებელი ბინა აჩუქა მას თბილისში.

ახალ წელს ეულოცავ ჩემს დედიკოს, მამიკოს, პაპას, ჩემს დას, ძმას. კიდევ იცით ვის მინდა მივეულოცო? — ჩემს მასწავლებელს ნინო ღუღუშაურს, რომელმაც ანბანი შემასწავლა. რას ვისურვებდი? მინდა ყველა ბავშვი იყოს ბედნიერი.

ლუკა სუჯაშვილი, I კლასი

წმიდა ნინო გულმხურვალედ ევედრებოდა ყოვლად წმიდა ღვთისმშობელს, რომ საქართველოს ნახვისა და იმ პერანგის თაყვანისცემის ღირსი გაეხდა, რომელიც თავად ღვთისმშობელმა მოუქსოვა საყვარელ შვილს. ყოვლადწმიდა ქალწულმა შესისინა მისი ვედრება, სიზმარში გამოეცხადა და უთხრა: „წაიდა ჩემს წილხვედრ საქართველოში, იქადაგე იქ სახარება უფლისა იესო ქრისტესი, მოიპოვებ მისგან მადლს და მე ვიქნები შენი მფარველი“. ყოვლადწმიდა ღვთისმშობელმა ვახის ჯვარი მისცა ნინოს და უთხრა: „მძილე ჯვარი ესე ფარად და მფარველად ხილულთა და უხილავთა მტერთა ზედა“. გამოღვიძებულ ნინოს მართლაც ჯვარი ეჭირა ხელში. მან სიხარულის ცრემლებით დააღწო და საკუთარი თმებით შეკრა იგი...

წმიდა ნინო საქართველოსაკენ წამოვიდა. საშინელი სანახაობა დახვდა იქ წმინდანს: მეფე, მთავარი და ყოველი ერი შიშით ძრწოდა კერპთა წინაშე.

შეწუხდა ქალწული: „უფალო, მოხედენ წყალობით ამით ზედა ნათესავთა, რათა ყოველმან ერმან მხოლოდ ღმერთსა თაყვანი გცენ იესოს მიერ ძისა შენისა“. — შეკლადდა მან ღმერთს. დაჰბერა საშინელმა ქარმა, წამოვიდა სეტყვა და შეიმუხრა კერპები. შემინებული ხალხი სხვადასხვა მხარეს გაიფანტა.

წმიდა ნინო სამეფო ბაღის მცველის სახლში დასახლდა, უშვილო ოჯახს წმიდა ნინოს ღოცვით ღმერთმა მიჰმადლა შვილი. გახარებულმა ცოლ-ქმარმა აღიარა ქრისტე და დაემოწაფა წმიდანს. ერთხელ ნანა დედოფალი სასიკეთოდ დასწევდა, წმიდა ნინომ ილოცა, ჯვარი გადასახა და განკურნა დედოფალი. ამის შემდეგ ნანამ აღიარა ქრისტე.

ერთხელ მეფე მირიანს სანადიროდ წავიდა. მას გადაწყვეტილი ჰქონდა მცხეთაში დაბრუნებისთანავე ამოეწვეთა ჯვარცმული მოსაენი, მათ შორის ნანა დედოფალიც. ნადირობისას მოულოდნელად მზე დაბნელდა. მარტოდ დარჩენილი მირიან მეფე დიდხანს უხმობდა შემწედ კერპებს. როცა იმედი გადაუწყდა, ქრისტეს შეევედრა: „ღმერთო ნინოსო, განმიხატე ღამე ესე და მაჩვენე საყოფელი ჩემი და აღვიარო სახელი შენი, აღმართო ძელი ჯვარისა და თაყვანის-ვცე მას, აღვაშენო სახლი სალოცველად ჩემდა და ვიყო მორჩილი ნინოს სჯულისა ზედა ჰრომთისა“. მაშინვე გამობრწყინდა მზე. გახარებულმა მირიან მეფემ მადლობა შესწირა ქვეყნიერების შემოქმედს. წმიდა მოციქულთასწორის ღვაწლით საქართველოში განმტკიცდა ქრისტიანობა.

წმიდანის სურვილისამებრ მისი პატიოსანი გვამი ბოღბეში დაფლეს. შემდგომ მის საფლავზე მირიან მეფემ წმიდა გიორგის სახელობის ტაძარი ააგო.



სტეფანწმინდისა და ხევის ეპარქიის მრევლი ულოცავს მეფე იეგუდიელს დაბადების დღეს. უსურვებს ჯანმრთელობას და დიდხანს სიცოცხლეს. ხევის სულიერებისათვის ძალიან საჭირო ხარო, მეუფეო.

წმინდა ილია მართლის სახელობის გიმნაზია-პანსიონის პედაგოგი-ქტივი და თანამშრომლები დაბადების დღეს ულოცავენ ხევისა და სტეფანწმინდის ეპარქიის მაღალყოვლადუსამღვდელოეს მეფე იეგუდიელს.

გიმნაზიის IV კლასის მოსწავლე ნინო ქირიკაშვილი ულოცავს მეფე იეგუდიელს დაბადების დღეს:

მიხარია, რომ შესაძლებლობა მაქვს „ჩემი გიმნაზიის“ საშუალებით დაბადების დღე მივეულოცო ჩემს მეფეს, მაღალყოვლადუსამღვდელოეს იეგუდიელს, დიდხანს იცოცხლეთ ჩვენს გასახარად, წმინდა სამებად და-გიფაროს და კიდევ უფრო გაგაძლიეროს.

2015

გილოცავთ შობა-ახალ წელს!



შემოაბიჯა ახალმა წელმა. ქრისტეშობიდან 2015 წელს მარცვლავს კრიალოსანი ღელამიწის მატანესი.

2015 ახალმა წელმა ჩამოთოვა ქართლის მთებსა და მხრებზე. 2015 წელია მტერ-მოყვარეს ერკინებოდა ქართველი ერი... იფურცლებოდა ქართლის მატანე უქარქაშო ხმლებითა და მამულ-რჯულისათვის ჯვარცმული ზვარაკებით... და გადიოდა საუკუნეები.

შემოაბიჯა ახალმა 2015 წელმა. ტყის ზღაპრებით ღამაში და ჯადოსნური ყოფილების მისი მობრძანება ღელამიწაზე.

შობა-ახალ წელს უულოცავთ უწმინდესისა და უნეტარესს, საქართველოს კათოლიკოს



პატრიარქს ილია II, სტეფანწმინდისა და ხევის ეპარქიის ეპისკოპოსს მეუფე იეგუდიელს, ხევის სულიერ მამებს, გიმნაზიის მასწავლებლებს, მოსწავლეებს, ყველას, ვისაც მამულისა და სჯულის სიყვარულით აქვს გული საესე.

ჩვენი გიმნაზია ერთ-ერთი მოწინავეა მთელს რაიონში. მის გამოცდილ პედაგოგულ-მეცნიერულ ღვაწლსა და მასწავლებლების ღვაწლსა და მამულ-რჯულისათვის ჯვარცმული ზვარაკებით... და გადიოდა საუკუნეები.

ჩვენი ცხოვრების წესად არის ქცეული შესანიშნავი ღონისძიებები, რომლებიც მრავლად ტარდება გიმნაზიაში. მაგრამ 30 დეკემბერს ჩატარებულმა ღონისძიებამ ყოველგვარ მოლოდინს გადააჭარბა.

ამ ღონისძიების სულისჩამდგმელები იყვნენ გიმნაზიის დირექტორი, კლასგარეშე ორგანიზატორი ეთერ პაპიაშვილი, გალობის მასწავლებელი ფიქრია ზაიკაშვილი და კლასის დამრიგებლები.

ისმოდან სიმშვიდის მომგვრელი გალობა და სიმღერები. ჩვენთან ერთად ხარობდნენ მოწვევული სტუმრები. დიდხანს ისმოდა გიმნაზიის საკონცერტო დარბაზში ნიჭიერი ბავშვების სიმღერები, ლექსები და სახალწლო სახუმარო სკეტჩებით გამოწვეული მხიარული ხმები.

ბოლოს, მეუფე იეგუდიელმა ბავშვებს მიულოცა ახალი წელი, დალოცა ბავშვები, მთელი ხევი და საქართველო.

კონცერტის შემდეგ კი ბავშვები კიდევ უფრო გაახარა სახალწლო საჩუქრებით. ბავშვები გახარებულები დაბრუნდნენ სახლებში.

ღმერთო, ამრავლე ქართული გენი, მიეცი ძალა მის ნიჭიერ ზღვს თვითმყოფადობის გზაზე მავალს, დაე, იარონ... იარონ...

პედაგოგიური საბჭოს სხდომა წმ. ილია მართლის სახელობის გიმნაზია-პანსიონში

29 დეკემბერს ჩატარდა გიმნაზია-პანსიონის პედაგოგიური საბჭოს სხდომა. სხდომა გახსნა დირექტორის მოადგილემ — სასწავლო-სააღმწერდლო დარგში ნატა თეთურმანიძემ. მან დამსწრე პედაგოგულ-მეცნიერულ მუშაობას მიულოცა ახალი წელი, უსურვა ჯანმრთელობა და წარმატება.

დამთავრდა სასწავლო წლის I სემესტრი, — აღნიშნა მომხსენებელმა. განვლილი დროის პერიოდში გიმნაზიის მოსწავლეებმა პედაგოგულ-მეცნიერულ დახმარებით მიაღწიეს ბევრ წარმატებას. მონაწილეობას ვღებულობდით არა მარტო შიგნით სასკოლო და სა-რაიონო ღონისძიებებში, არამედ წარმატება მოიპოვეთ რესპუბლიკის მასშტაბითაც, რაზედაც მადლობა მინდა გადავუხადო ფიზიკა-მათემატიკის მასწავლებელს ნაზი ჩოფიაშვილს ბავშვების მაღალ ღონეზე მომზადებისათვის ევროკავშირის პროექტში მონაწილეობისას, სადაც ჩვენმა მოსწავლეებმა გაიმარჯვეს არა მარტო რაიონში, არამედ მნიშვნელოვანი ადგილები დაიკავეს საქართველოს მასშტაბითაც.

ბავშვებთან ერთობლივი მუშაობის შემდეგ საინტერესო ნამუშევარი შექმნა ხელოვნებისა და რელიგიის მასწავლებელმა ცისია ფირანაშვილმა კონკურსისათვის „გაუფრთხილდეთ ბუნებას“, გამოუყენებელი მაკულატურისაგან გააკეთეს სახალწლო ნამუშევარი.

სამოქალაქო-ცოდნის გამოვლინების კონკურსში კი გაიმარჯვა და სერთიფიკატითა და ფასიანი საჩუქრებით დაჯილდოვდა XII კლასის მოსწავლე ნანუკა ფიცხელაური.

ქართული ენისა და ლიტერატურის მასწავლებელმა მკა ქავთარაშვილმა შესანიშნავი ღონისძიება ჩატარა სახელწოდებით „გიორგობა“. გასვლითი ღონისძიებებით დათვალიერებული და შესწავლილი იქნა ხევი არსებული წმიდა გიორგის სახელობის ეკლესიები. ბავშვები ესაუბრნენ ხევის უხუცესებს.

ბავშვებში კითხვის ჩვეულების ჩამოსაყალიბებლად პედაგოგის ციცინო ღუღუშაურის მიერ ხორციელდება პროექტი „მე მიყვარს კითხვა“.

რა თქმა უნდა, ეს ყველაფერი კარგია, მაგრამ ჩვენი უპირველესი ამოცანაა ბავშვებისათვის კარგი განათლების მიცემა. მაღალი დონის საერთო განათლებასთან ერთად უნდა შევძლოთ ბავშვების აღზრდა ქრისტიანულ ფასეულობებზე.

სხდომაზე გამოსულმა კლასის დამრიგებლებმა და მასწავლებლებმა დაახასიათეს თითოეული კლასი პირველი კლასიდან XII კლასის ჩათვლით, იმსჯელეს წარმატებებსა და ნაკლოვანებებზე. დასახეს მიზნები II სემესტრისათვის, რათა უკეთესად წარმართონ სწავლების პროცესი. აღინიშნა, რომ გიმნაზია-პანსიონში თავისი წარჩინებული სწავლითა და მოსწრებით გამოირჩევიან შემდეგი მოსწავლეები: თამარ ქუშმაშვილი, ანა კახალიკაშვილი, ლუკა მაისურაძე, მარიამ სუჯაშვილი, გიორგი ბუჩუკური, დათო ღუღუშაური, ელენე ხეთაგური, ნინო ვალიშვილი, მარიამ ჯამარჯაშვილი და ნინო ქუშმაშვილი. ის მოსწავლეები კი, რომლებიც ზშირად აცდენდნენ გაკვეთილებს, ჩააბარეს II სემესტრში გადასასვლელი გამოცდები.

პედსაბჭოს სხდომაზე გიმნაზიის დირექტორმა, მეუფე იეგუდიელმა აღნიშნა, რომ ჩვენ არ ვიყენებთ ყველა შესაძლებლობასა და რეზერვს ბავშვების განვითარებისათვის.

გამოდის, რომ ამდენად ჩვენ პატივს არ ვცემთ ჩვენს შესაძლებლობებს. განსაკუთრებული ყურადღება უნდა მიექცეს სულიერებას. უწმინდესი და უნეტარესი საქართველოს პატრიარქი ილია II ჩვენგან მოითხოვს ნიჭიერი ახალგაზრდების გამოვლინებას, რათა შემდგომში ხელი შეუწყონ მათ განვითარებას. ჩვენ რაიონში ბიზნესმენები არ ღებენ ინვესტიციებს თუნდაც იმიტომ, რომ არ გვყავს ადგილობრივი სპეციალისტები სხვადასხვა დარგში. ჩამოყვანილი სპეციალისტები კი ინვესტორის ძვირი უჯდება. პედაგოგის ვალაა გამოავლინოთ და დავეხმაროთ ასეთ ახალგაზრდებს.

ჩვენი გიმნაზიის ნაკლად ვთვლით იმას, რომ სათანადოდ არ მიმდი-

ნარეობს წრეობრივი მუშაობა. გვერდით 6-7 წრე, მაგრამ დღესდღეობით მხოლოდ ერთი, გალობის წრე ფუნქციონირებს. მინდა, რომ მოიძიოთ სპეციალისტები წრეობრივი მუშაობისათვის. ყველა პირობა გვაქვს იმისთვის, რომ მაღალ დონეზე იმუშაოს ჭიდაობის წრემ. გიმნაზიის დირექტორმა, მეუფე იევდიელმა დაავალა სასწავლო ნაწილის გამგეს, ნატა თეთურმანიძეს, რომ მეორე სემესტრში განსაკუთრებული ყურადღება მიაქციოს კათედრების მაღალ დონეზე მუშაობას.

არქიმანდრიტმა მამა ნიკოლოზმა აღნიშნა, რომ გიმნაზიაში განსაკუთრებული ყურადღება უნდა მიეცეს სულიერებას, არის შემთხვევები, რომ პედაგოგები და მოსწავლეები ყოველთვის არ ესწრებიან წირვა-ლოცვას.

ქართული ენის მასწავლებელმა ციცინო ლუდუშაურმა აღნიშნა, რომ მშობელი განსაკუთრებით უნდა მოდერნიზებული გიმნაზიის ცხოვრებაში, შეილთან ერთად უნდა ესწრებოდეს წირვა-ლოცვას. თუ არა და მშობელი დაბრუნებული უნდა იქნეს გიმნაზიის ადმინისტრაციაში და მოთხოვონ შეილის გაყვანა გიმნაზიიდან, ამ საკითხზე ვრცლად იქნა საუბარი საპატრიარქოს განათლების ცენტრის მიერ ჩატარებულ კონფერენციაზე, რომელსაც უძღვებოდა მიტროპოლიტი იოანე. ზმირად უნდა ტარდებოდეს მშობელთა კრებები და დაიგეგმოს ოჯახებში მისვლა.

ინტერესი დიდა ჩვენი გიმნაზიისადმი და ჩვენი უნდა გაგამართლოთ ჩვენი დაკისრებული დიდი მოვალეობები.

ნატა თეთურმანიძე

1848 წლის 8 იანვარს დაიბადა ალექსანდრე ყაზბეგი. „ორჯერ დაბადებულს ერთი სიკვდილი ვერას უზამს. ყაზბეგი კი მეორედ მაშინ დაიბადა, როდესაც თავისი ნიჭიერი კალამი უძღვნა ქვეყანას. დაიბადა ისე, რომ მისი აკვანი ყოველი ქართველის გულში ირწყოდა და ასეთ აკვანში გამოზრდილს ადამიანს კი სიკვდილი ხელს ვერ შეახებეს.“



ორი მშვენიერი

კარკუჩის წისქვილებიდან ქარმა ნისლეები აჰყარა, გადაიარა სნოს ხევი, მაყრიონს მისდევს მაყრადა.

მღერიან მოხვევები, ონისეა თუ მაყვალა, იმათ გზას, ტანჯვას, სიხარულს მზემ სხივი გადააყარა.

და ყაზბეგიანთ გორიდან ერსახელ გადამევიარი — დგას დათოვლილი ორი მთა, ალექსანდრე და მყინვარი...

ალექსანდრე გომიშვილი

მრავალ ახალ წელს

30 დეკემბერს საახალწლო ზეიმზე გიმნაზია-პანსიონის დირექტორის მოადგილემ საორგანიზაციო საკითხებში, ეთერ პაპიაშვილმა, გიმნაზიის პედაგოგ-მასწავლებლებსა და მოსწავლეებს მიულოცა ახალი წელი. უსურვა წარმატებები და წინსვლა.

ჩვენს გიმნაზიაში I სემესტრის განმავლობაში სერიოზული წარმატებები გვექონდა, — აღნიშნა ეთერ პაპიაშვილმა. გიმნაზიის მასწავლებლებისა და მოსწავლეების ერთობლივი მუშაობითა და მეუფე იევდიელის დახმარებით განხორციელდა მრავალი პროექტი.

სასკოლო ოლიმპიადებში ჩვენი ბავშვები გადავიდნენ მეორე ტურში. უსურვებთ მათ შემდგომ წარმატებებს.

22 ნოემბერს საქართველოს მასშტაბით განხორციელებულ ოლიმპიადებში, სამოქალაქო განათლების ღონის გამოვლინებაში კი გაიმარჯვა XII კლასის მოსწავლემ ნანუკა ფიცხელაურმა. ხელოვნებისა და რელიგიის მასწავლებელმა ციცინო ფირანიშვილმა მოსწავლეებთან ერთად საქართველოს მასშტაბით გამოცხადებულ კონკურსში „გადავარჩინოთ ბუნება“ გამოუყვევებელი მაკულატურით შექმნა ლამაზი ნაძვის ხე.

ზოგადი განათლების სისტემაში მიმდინარე ევროკავშირის პროექტში სახელწოდებით Le-MAHT ვუერთდებით ევროპას“ გიმნაზიის ფიზიკა-მათემატიკის მასწავლებელმა ნაზი ჩოფიკაშვილმა მოსწავლეებთან ერთად სერიოზულ წარმატებას მიაღწია. კონკურსში წარმოდგენილ ოთხივე ნომინაციაში გიმნაზიის მოსწავლეები რაიონის მასშტაბით პირველ ადგილზე გავიდნენ და საქართველოს მასშტაბით შევედით ათეულში, ხოლო მათემატიკის მიერ წარმოდგენილი ნომინაცია „მათემატიკური ფიგურების“ წარმომჩენაში ჩვენი გიმნაზია საქართველოს მასშტაბით მოიპოვა პირველი ადგილი.

საინფორმაციო ფაქტი, რომ გიმნაზია აქტიურად მონაწილეობს სპორტულ შეჯიბრებებში. ჩატარდა სარაიონო შეჯიბრი ფრენბურთში, გიმნაზიის მოსწავლეებმა მეორე ადგილი დაიკავეს და დაიმსახურეს ფულადი ჯილდო, ხოლო გიმნაზიის პედაგოგებსა და მოსწავლეებს შორის ჩატარებულ ფრენბურთის შეჯიბრში გაიმარჯვეს გიმნაზიის მოსწავლეებმა.

მინდა გაგაცნოთ და წარმატება მივულოცო გიმნაზიის წარჩინებულ მოსწავლეებს: V კლ. — თამარ ქუშაშვილს და ანა კახალიკაშვილს, VI კლ. — ლუკა მაისურაძეს და მარიამ სუჯაშვილს, VII კლ. — გიორგი ბუჩუკურს.

მრავალ ახალ წელს, ჩემო კარგებო. სიკეთე და სიხარული დაგებდესო.

ზეიმის ბოლოს დამსწრე საზოგადოებას ახალი წელი მიულოცა მეუფე იევდიელმა. დალოცა ყველა და წარმატებები უსურვა დამდეგ ახალ წელს.

ეთერი პაპიაშვილი


სტეფანწმინდის წმინდა ილია მართლის სახელობის გიმნაზია-პანსიონში აგრარული უნივერსიტეტიდან მოვიდა სამადლობელი წერილი, სადაც აღნიშნულია:

მადლობას გიხდით ისეთი ნიჭიერი და მიზანდასახული ახალგაზრდის აღზრდისთვის, როგორც არის გაგა არაბული.

ტრადიციულად, წელსაც წარმატებულ აბიტურიენტთა არჩევანი საქართველოს აგრარული უნივერსიტეტი იყო. კონკურსის შედეგად, 496 საუკეთესო პირველკურსელი მივიღეთ. მათ შორის თქვენი სკოლის კურსდამთავრებულიცაა.

მაღალი კონკურსის მიუხედავად, გაგამ შეძლო და დასახულ მიზანს მიაღწია — მან წარმატებით ჩააბარა ერთიანი ეროვნული გამოცდები და აგრარული უნივერსიტეტის სტუდენტობა დაიწყო, რაც თქვენი ფასდაუდებელი შრომის შედეგია. დიდი მადლობა ამისთვის. ასევე, გთხოვთ მადლობა გადასცეთ თითოეულ მასწავლებელს, რომელმაც წვლილი შეიტანა მის აზრადში. ჩვენ, ჩვენი მხრივ, ყველაფერს ვაკეთებთ, რათა გაგა თავისი საქმის პროფესიონალი გახდეს.

გილოცავთ თქვენი სკოლადამთავრებულის წარმატებას და მზად ვართ, უნივერსიტეტის უკეთ გაგნობის მიზნით, თქვენს მოსწავლეებთან და თანამშრომლებთან ერთად, დიდხანს საუნივერსიტეტო კამპუსში გიმასპინძლოთ! თუ გექნებათ ჩვენთან სტუმრობის სურვილი, გთხოვთ, დაგვიკავშირდეთ ტელეფონის ნომერზე: 322-200-901



კონკურსისათვის „გადავარჩინოთ ბუნება“

ახალგაზრდა მოხმევი კომედი

სოფელი პანაცეაში ქალაქს

დარიალს მოსდგომია ღრუბელთა ჯარები, ქვიადმაც მოუყვება ადამართს, ძოდა ნათელი იყო ჩემს მხარეში, ახლა ცა გვიპირებს წარღვნას... მხოლოდ გვემუქრება, ძალიან არ დაგვჯის, ცოდვებს მოგვტყუებს ალბათ, მაგრამ გვემდურება, სალოცავი გვემდურება, რომ აღარ ვუცხოვთ ქადას... ჩქარა დრო დადგება, როცა „მოხვევ“ აღარ ერქმევა ამაყს, რადგან დავეიფყეთ და არ მოვუარეთ, სოფელი ვანაცვალეთ ქალაქს...

გივი ზუციშვილი

რედაქტორი ანნა ბოგიაშვილი	სარედაქციო კოლეგია: არქიმანდრიტი ნიკოლოზ ლლონტი, ციცინო ლუდუშაური, ნინო თურქიაშვილი, ნატო ჟიკლაური, უნა ხუციშვილი.	მის. სტაფანწმინდის ფ. ილია მართლის სახ. გიმნაზია-პანსიონი
------------------------------	--	---